



Kamis, 24 Maret 2022
Ogen:Jakup 5:15-17



"Tutus Ertoto"



Piga kali nge kita ertoto sada wari? Piga kali kin si pasna kita ertoto sada wari? Si jabab bas pusuhta sekala-sekalak. *Doa adalah nafas kehidupan orang percaya*, kalimat enda nggo rusur si begi. Payo, toto e me gegeh ras kesah kalak si tek man ban Dibata. Si tiap wari ertoto, tiap wari ngaloken gegeh ras kesah i bas Dibata nari. Adi la ertoto, la lit hubungenta ras Dibata, jadi kesah si i bas kita e labo kesah si rehna i bas Dibata. Lit sada lagu rohani Kristen judulna, **Dia hanya se jauh Doa**, singatakenca jarakta ras Dibata e me antara toto ras pusuhta. Emaka, adi lit penungkunen piga kali nge si pas na kita ertoto, labo pernah lit ketetapan i bas pustaka. Saja isuraken, ertotolah katawari pe. Ertina lalap ertoto, asa lit denga kesempatan sabab toto e gegeh ras kesahta.

Kitab Jakup enda merken sada pengertin maka, i bas kita ertoto si dat kemalemen ate, si dat ketetapan ukur guna jumpa ras Dibata. Tapi perlu siinget, ope denga kita ertoto lit lebe pengakun dosa ras kerina kelepakenta, gelah ulanai e jadi penghambat kita reh ndahi Ia. Pengakun dosanta me jadi kinitunggungenta guna ndahi Ia bas pertotonta. Jesus pe ertoto man Bapa i sorga, arah e me IA ngerana nuriken isi pusuhNa. Amin pe IA labo erdosa, tapi perlu kal akapNa arih-arih, ercakup ras Bapa. Arah toto Jesus ndatken gegeh si mbaru.

Tutus ertoto, e me pengajuk man banta wari enda. Arah ertoto me sibegiken kai nina Dibata man banta, janah kai sura-suraNa. Dungna sieteh kai si man dalanenken tiap wari.

Ertoto jadi orat geluhta